



Akson

Áigumušcealkámuš suohkaniidda Gaska-Norgga dearvvašvuodaregiovna olggobealde

Ulbmil ja duogáš

Akson galgá váikkuhit mihttomearrái olahit beaktilis ja guoddevaš dearvvašvuoda- ja fuollabálvalusa mii lea ollislaš ja ovtastahtton, buvttiha buori ovtasdoaimmama aktevrraid gaskka ja ovtasdoaimmama eará suohkanlaš ja stáhtalaš bálvalusaiguin maiguin dearvvašvuodabálvalus ovtasbargá. Pasieantta ja geavaheaddji dárbbut ja sávaldagat galget leat guovddášis. Akson galgá váikkuhit dasa ahte dearvvašvuodabargiin lea álkis ja sihkkaris beassan pasieantadieđuide, ássiin galget leat digitála bálvalusat fidnemis, ja dieđut galget láhččot buorebut olámuddui kvalitehtabuorideapmái, dearvvašvuodabearráigehččui, stivremii ja dutkamii.

Doaimma Akson galgá ásahit oktasaš journálačovdosa suohkanlaš dearvvašvuoda- ja fuollabálvalusaide ja nátionála čovdosiid buoret digitála ovtasdoaimmamii buot doaimmaid gaskka mat addet dearvvašvuodabálvalusaid ja singuin geaiguin sii ovtasdoaimmet.¹

Áigumušcealkámuša birra

Dán áigumušcealkámuša vuolláičállin čájeha suohkana doarjaga ja áigumuša searvat doaimma Akson bargui viidáseappot. Vuolláičállin ii mielddisbuvtte makkárga oastingeatnegasvuoda dahje eará ekonomalaš geatnegasvuoda suohkanii. Geahča eanet čilgehusa doaimma birra stivrendokumeantta váldočuoggáid čoahkkáigeasu mildosis.

Joatkevaš barggu eavttut

Stáhta joatkevaš láhčin ja váikkuheapmi Aksonii eaktuda áigumušcealkámušaid suohkaniin mat ovddastit unnimusat beali álbmogis Gaska-Norgga dearvvašvuodaregiovna olggobealde. Joatkevaš stáhtalaš bargu Akson heivehemiin 2021 rájes eaktuda maiddái ráđđehusa ja Stuoradikki mearrádusa.

Leat ain báhcán dehálaš barggut ja čielggadeamit 2020:s maid stáhta áigu veahkkinn guorahallat ovtas SG:in/suohkanlaš surggiin. Guorahallan fáttmmasta ee. čielggadit suohkaniid eaiggátvuoda organiserema, ruhtadanmodeallaid gaskal suohkaniid mat leat njunnošis barggus ja daid suohkaniid mat bohtet manjis, oasusoamastanšiehtadusaid ja fitnodaga kapitaliserenbajideami. Dasa lassin galgá guorahallan čielggadit ovddasvástádus- ja gollojuohkima ja doaimma ollislaš oktasaš stivrenmekanismmaid. Dát siskkilda šiehtadusaid, ruhtadeami ja sorjjasvuodaid Akson ovtasdoaimmama doaimma ja Akson journála gaskkas.

¹ Oktasaš journálačovddus buot suohkaniidda Davvi Dearvvašvuoda RDD, Oarji Dearvvašvuoda RDD, ja Lulli-Nuorta RDD sisaváldinguovlluin. Suohkanat Gaska-Norgga dearvvašvuodaregiovnnas leat mielde Dearvvašvuodavuogádaga barggus - oktasaš journálačovddus dán regiovna suohkaniidda ja spesialistadearvvašvuodabálvalussii.

Stáhta galgá guovddáš stivrendokumeantta vuodul ja ovttasbarggus surggiin nai ráhkadit geaidnokártta nationála e-dearvvašvuodačovdosii, mas oktavuohta ja sorjjasvuodat čalmmustahttojit.

Vuođđun biddjo ahte Akson-doaibma ollislaččat galgá duohtandahkkot guovtti prográmmain, mat leaba Akson journála ja Akson ovttasdoaibman, goabbá ge sierra doaimmas. Doaibma lea vuogádatlaš ja guhkesáiggi ovddidanbargu mii galgá ovddiduvvot ja almmuhuvvot dađistaga. Doibmii galget vuođđun rabas ja heivehahtti čovdosat.

Vuođđun biddjo ahte prográmmaeaggátvuota oktasaš journálačovdosii biddjo ovttá fitnodahkii, mii dás namuhuvvo leat “Fitnodahkan Akson journála”. Fitnodagas boahtá leat suohkanlaš majoritehtaeaggátvuota. Stáhta, Dearvvašvuoda- ja fuolahusdepartemeantta bokte, lea mielas searvat eaiggátbeallái oasusfitnodahkii minoritehtapoasttain mii ii atte negatiivva kontrolla, jus suohkanat dan háliidit. Dat mearkkaša ahte stáhta eaiggátoassi galgá leat unnit go 34 proseantta. “Fitnodat Akson journála” boahtá háhkat, jođihit, hálddašit ja viidásetovddidit čovdosa(-siid) oktasaš suohkanlaš journálii.

Biddjo vuođđun ahte stáhta ruhtada goluid prográmma- ja eisevádebargguide mat gullet oktasaš suohkanlaš journála investeremiidda. Viidáset biddjo vuođđun ahte suohkanat mat geavahišgohtet čovdosa mákset iežaset oasi investeremis ja čuovvovaš doaimmas ja hálddašangoluin. Viidáset biddjo vuođđun ahte stáhta ruhtada investerengoluid 1. ceahkkái ollislaš ovttasdoaibmama ovddideapmái. Aktevrat geat geavahišgohtet čovdosiid gokčet hálddašan-, doaibma- ja bajásdoallangoluid. Viidáset biddjo vuođđun ahte stáhta veahkeha resurssaiguin ja gelbbolašvuodain maŋnel “Fitnodaga Akson journála” ráhkkanahhtinbarggus ja ásaheamis.

Stivrenmodealla mii galgá ásaheamis sihke doibmii ollislaččat ja “Fitnodahkii Akson journálii” boahtá sihkkarastit suohkanlaš suorgái váikkuhanválddi ollislašvuhtii, ja oasseváldi suohkaniid ovtastupmái mearrideaddji váikkuhanválddi “Fitnodagas Akson journálas”. Fitnodatmálla sáhtá rievdat dan duohken movt eaiggátmodealla šaddá. Stáhtalaš eaiggátpoasta eaktuda ahte fitnodatmálla šaddá oasusfitnodat.

Barggu organiserema birra 2020:s

Muhtun suohkanat bohtet ovttas GS:in leat fárus viidáset barggus 2020:s čielggadit rámmaeavttuid ja eavttuid Aksona ollislaš stivremii, organiseremii, ruhtadeapmái ja ovddasvástádusjuohkimii. Barggu ulbmil lea:

1. čielggadit suohkanlaš organiserema mii buktá beaktilis proseassaid ja sihkkarastá buori mielváikkuheami seammás go mánggadáfot beali ja riskka lea vejolaš giedahallat áiggi badjel.
2. álggahit barggu ásahtit ovttasstivrenmodeallaid stáhtain mas lea duohta mielváikkuheapmi, ovttajienalaš mearridanproseassat vuođđun ja čielgaset ovddasvástáduslinjját.
3. vuođđudit ja čielggasmahttit gollojuohkima prinsihpaid stáhta ja suohkana gaskkas vai dát leat vuođđun guovddáš stivrendokumeanttas, ja movt dat ekonomalaččat boahtá deaivat oasseváldi suohkaniid áiggi badjel.
4. čielggadit rámmaeavttuid ja áigemuttuid duohtandahkat “Fitnodaga Akson journála” ceškiid mielde lahkoniin eaiggátvuhtii.

Ii vurdojuvvo ahte buohkat geat vuolláičállet áigumušcealkámuša bohtet searvat aktiivvalaččat bargui 2020:s. GS áigu ovttahttit vuođđudanproseassaid ja cealkámušvuoruid maid geažil suohkanat nagodit addit ruovttoluottadieđuid bargui dađistaga ja loahpalaš mearridit galgá go vejolaččat leat geatnegasvuota vai opšuvdna.

Cealkámuš SUOHKANIS

1. SUOHKAN doarju oktasaš journála mihtu suohkanlaš dearvvašvuoda- ja fuollabálvalusaide ja čovdosiid buoret digitála ovttasdoaibmamii buot doaimmaid gaskkas mat addet dearvvašvuodabálvalusaid. Dilli galgá maiddái heivehuvvot buoret digitála ovttasdoaibmamii ássiiguin ja eará suohkanlaš ja stáhtalaš bálvalussurggiiguin.
2. Maŋnel go 2020:s bargu čielggasmahttit rámmaeavttuid, eavttuid ja plánaid Aksonii leat joavdan guhkkeli, ja jus SUOHKAN háliida dan, de SUOHKAN sáhtá searvat viidáset čuovvovaš molssaeavttuiguin:
 - a. Dahkat geatnegahttonšiehtadusa ovttasbarggu dahje eará čatnasanhámis (omd. Mieleaiggátvuohta) “Fitnodagas Akson journál” álggu rájes, ja aktiivvalaččat searvat viidáset háhkan- ja ovddidanbargui ásaht oktasaš suohkanlaš journálačovdosa.
 - b. Dahkat opšuvdnašiehtadusa ja vuordit mearrádusain čatnasit oktasaš doibmii ja geavahišgoahtit oktasaš suohkanlaš journála.
3. SUOHKANIS lea áigumuš ruhtadit iežasoasi oktasaš suohkanlaš journálas jus dat maŋit áigemuttus geatnegahtá iežas geavahišgoahtit oktasaš suohkanlaš journála.

(dáhton)	
suohkan	
(vuolláič.)	
(namma)	
(virgi)	